

Broj: 08-02-1-2401-4/17

Datum: 13.12.2017.godine

## **I N F O R M A C I J A**

### **o provedenoj javnoj raspravi o Nacrtu Strategije razvoja općine Tešanj za period 2018-2022**

Općinsko vijeće na svojoj 12.sjednici održanoj 31.10.2017.godine, usvojilo Nacrt Strategije razvoja općine Tešanj 2018-2022 i uputilo na javnu raspravu. Poziv za učešće u javnoj raspravi objavljen je na web stranici Općine Tešanj i oglašen putem medija. Poziv je upućen i putem e-maila svim osnovnim i srednjim školama, mjesnim zajednicama, javnim ustanovama, javnim preduzećima, udruženjima građana, vijećnicima, komisijama Vijeća.

U organizaciji javne rasprave učestvovali pomoćnik Općinskog načelnika g-din Sabahudin Omerbašić, članovi Općinskog razvojnog tima za izradu Strategije 2018-2022, g-đa Almina Alagić, Mirza Kotorić Selma Bradarić, Adnan Lihić i Sajda Klepić, tehnički sekretar Razvojnog tima.

Usmeni dio javne rasprave na nacrt Strategije razvoja općine Tešanj 2018-2022. godina se održao u tri termina:

1. U ponedjeljak, 20. novembra, vođe sektora Almina Alagić i Mirza Kotorić predstavili su Društveni sektor i Mladi.
2. Selma Bradarić predstavila je sektor Ekonomija u utorak, 28. Novembra.
3. Adnan Lihić je u utorak 5. decembra predstavio sektor Ekologija.

Na ovim raspravama je bilo ukupno 46 učesnika:

Na prvoj raspravi bili sljedeći učesnici: Ismar Alagić, dir. „TRA“ Tešanj, Fikret Hukić predstavnik MZ Kalošević, Alma Čemanović (KUD Krin Ljiljan), Safet Jašić (dir. Sportsko-rekreacionog centra Tešanj), Tarik Škrgo (NVO „IECM“ Tešanj), Aida Salkić (dir. JU Gimnazija „Musa Ćazim Ćatić“ Tešanj), Berina Merdić (O.Š. Rešad Kadić“ Tešanj), Almir Ljevaković (O.Š. Medakovo), Elfid Muminović (MZ Medakovo), Senad Hasanbašić (MZ Trepče), Handžić Iudin (Streljački klub Tešanj), Ago Muminović (O.Š. „Mustafa Mulić“ Šije), Adnan Šeljmo (Komisija za Mlade OV Tešanj), Mirnes Dedukić (Općina Tešanj – službenik za mlade), Hrnjić Muris (građanin), Husein Galijašević (građanin), Hamzalija Hojkurić (Općina Tešanj), Sabahudin Omerbašić (Općina Tešanj), Naid Kadušić (MZ Trepče) i Suad Huskić (Općinski načelnik).

Na drugoj raspravi bili prisutni učesnici : Ismar Alagić (Agencija TRA), Husein Galijašević (građanin), Hamzalija Hojkurić (Općina Tešanj), Sabahudin Omerbašić (Općina Tešanj), Senad Subašić (Općinsko vijeće), Nihad Hadžismajlović (Općina) Jasminka Ibrić (Općina), Mirnes Dedukić (Općina).

Na trećoj raspravi bili prisutni učesnici: Ismar Alagić (Agencija TRA), Vahid Festa (SRD Jelaha-Tešanj, Himzo Bošnjak JP Rad Tešanj, Hukić Fikret (MZ Kalošević), Haris Hodžić (sanitarni inspektor), Mujo Pobrić (Odred izviđača Crni vrh Tešanj), Besim Sejdić (Sportski savez), Hasan Plančić (Općina Tešanj), Samira Smailbegović (JP ŠDP ZDK Šumarija Tešanj“, Mešić Fuad (JP Rad Tešanj), Asim Bašalić (JP Toplana Tešanj) Almir Lihić (UG Eko mladi Jablanica) Hrnjić Muris (građanin), Hamzalija Hojkurić Općina Tešanj), Almina Alagić (JU Opća biblioteka Tešanj), Mersad Spahić (UG Eko mladi), Velida Agić (MZ Rosulje).

Rok za dostavu pisanih primjedbi i prijedloga bio je do 12. 12. 2017. godine.

## **Diskusije tokom rasprave bez dostavljenih konkretnih prijedlog u ostavljenom roku:**

---

1.Hrnjić Muris je iznio nekoliko primjedbi, sugestija i prijedloga. Zdravstvo - povećanje zadovoljstva korisnika usluga.- indikator 5 % je malo. Sport, mladi, kultura - trebalo bi da bude uključeno više građana, da se zna koji su to projekti. Domovi kulture, bilo je i u prošloj strategiji isto ili slično – moglo je biti konkretnije. Primjedbu je dao i za otvoreni bazen jer smatra da bi to magao biti i otvoreni. Smatra da bi se svi indikatori mogli povećati, a za mlade nije čuo konkretne prijedloge.

**Odgovor:** Razvojni tim je radio od maja 2017. Radilo se po sektorima a bili su uključeni svi iz raznih ustanova organizacija, institucija, traženi su pismeni podaci. Bilo je mnogo predloženih projekata koji su tokom niza radionica bili ujedinjeni zbog sličnosti. Što se tiče indikatora timovi su na početku bili predlagali 20-30% ali slijedeći metodologiju i preporuke prezentatora MEG projekta došlo se do stava da to trebaju biti ti % indikatora.

2.Ismar Alagić je na prvoj raspravi iznio dvije sugestije. Prva je metodološke prirode, na dosta mjesta su izraženi pokazatelji, povećana svijest, povećano zadovoljstvo, a to se može izraziti u drugim mjerljivim elementima da se razmisli oko ovih ishoda kako to mjeriti. Druga sugestija je bila u vezi Muzeja i gradine – arheološko istraživanje je bitno pitanje koje treba riješiti. **Odgovor:** RT je u toku rada razmatrao to pitanje, ti pokazatelji su bila preporuka UNDP-a koja je na kraju prihvaćena.

3.Ismar Alagić je na trećoj raspravi istakao važnost kvaliteta zraka te da kroz Strategiju treba riješiti pitanja kako smanjiti zagađenje. **Odgovor:** Programom 3.3.1. predviđeno unapređenje kvaliteta zraka - smanjenje dimnih i drugih emisija na zagađenje okoliša

4.Hrnjić Muris – Animalno otpad – strategija mora za neki kraći vremenski period naći neko rješenje a ribarstvo unijeti u Strategiju kao posebno područje.**Odgovor:** Svi projekti se moraju razraditi to će biti sastavni dio nekog od projekata.

5.Vahid Festa - Zaštitu postojećih vodoizvorišnih zona označio bi kao revitalizacija rijeke Usore, postoje zaštitne zone ali da treba voditi računa i spriječiti nelegalnu eksploataciju šljunka.

6. Hamzaliya Hojkurić- Zaštita vodotoka proširiti i na sve druge vodotoke (rijeka Tešanjka, Radušica,Trebačka rijeka..) **Odgovor 5. i 6.** U projektu: 3.1.1.1 Dodatne količine vode dodan je i zadatak: definisanje dugoročnog rješenja vodozvorišta

## **Pristigle prijedloge i sugestije Općinski razvojni tim je uzeo u razmatranje te dostavio sljedeći rezultate:**

---

1.Safet Jašić, direktor Sportsko rekreacioniog centra je dostavio primjedbe na tekst SEA na strani 27. te je isto **uobzireno u konačni tekst.**

2.Osnovna škola „9. septembar“, Medakovo je dostavila odluku organa ove škole da odustaju od bilo kakvih donacija za sanaciju objekta nego traže izgradnju novog objekta prema građevinskoj dozvoli koja je izdata od strane organa Općine Tešanj. **Usvojeno**, s tim da je izvor finansiranja (ZDK) neizvjestan. Napomena: Isti projekat dostavljen i od MZ Trepče.

3.KUD KRIN LJILJAN Kalošević i MLADI MZ Kalošević su dostavili prijedlog da se u Startegiju razvoja općine Tešanj 2018-2022 (2027) uvrsti manifestacija „MIRIS RAMAZANA“ te da se organizuje Centralna smotra folklor. **Prijedlog nije prihvaćen** jer već postoji praksa podrške Općine Tešanj sličnim manifestacijama i ista se može podržati u okviru postojećeg budžeta i prakse na opertivnom a ne strateškom nivou.

4. JU Dom zdravlja je predložio povećanja učešće budžeta Općine Tešanj u projektu Izgradnje ambulante u Pousorju (Miljanovci – Piljužići – Miljanovci) sa sadašnjih 40.000,00 KM na 75.000,00 KM (razliku od 75.000,00 KM do ukupnog iznosa će osigurati Dom zdravlja).

**Prijedlog je prihvaćen.**

5. MZ Medakovo traži novi objekat osnovne škole (uvaženo pod tačkom 2.) te da se uvrsti izgradnja mosta za Medakovo preko rijeke Tešanjke kao strateški cilj. Trenutno nije bilo raspoloživog izvora finansiranja te će se most **uključiti na listu „B“ projekata.**

6. Haška Hundur, Stručni savjetnik za podršku privredi općine Tešanj, je dostavila primjedbu na podatke u Tabeli 43. Pregled koncesionih ugovora na području općine Tešanj 2017.godine, te je isto **uobzireno u konačni tekst.**

7. Dženan Kujundžić je predložio da općina Tešanj počne ulagati i pomagati građanima u izgradnji solarni panela kako bi smanjili trošak električne energije u našim domovima, vrtićima, školama itd...

**Odgovor:** Unutar sektora 3: ZAŠTITA ŽIVOTNE SREDINE imaju predložena 3 sektorska cilja, a unutar trećeg cilje program Veći nivo iskorištenja „zelenih“ energija i tri projekta: 3.3.2.1 Projekti utopljanja, 3.3.2.2. Projekti iskorištenje solarne energije i 3.3.2.3 Izgradnja vjetrenjača.

8. JU Sportsko rekreacioni centar Tešanj je dostavila prijedlog da se u predloženom Nacrtu strategije, projektu – „izgradnja otvorenih bazena“ navede i definiše lokacija, da se planira otkup privatnog zemljišta između dvorane i nogometnog stadiona „TOŠK“. Nakon kupovine zemljišta otvorile bi se mogućnosti da se radi na izradi dokumentacije i pripremi projekata koji bi upotpunili sliku i potrebu Lokalne zajednice, (kao što su: izgradnja kuglane, izgradnja igališta za odbojku na pjesku i izgradnja terena sa umjetnom travom za nogomet. **Odgovor:** U toku rada ORT-a je ovaj cilj preimenovan u „Izgradnju zatvorenog bazena“. Izvori Općine su već definisani i u ovoj fazi nismo mogli pronaći nove izvore. Ostaje u fazi realizacije da se traži varijanta javno-privatnog partnerstva i realizuje prijedlog.



9. MZ Kalošević je dostavila prijedlog Rekonstrukcija mosta na rijeci Usori – Kalošević i nastavak adaptacija zgrada društvenih domova u ruralnim sredinama (u nastavku rečenice dodati: prioriteto oni domovi i objekti koji se koriste u većem kapacitetu i tokom cijele godine u svrhu jačanja omladinskog aktivizma. **Odgovor:** Most na rijeci Usori - Kalošević dodat je na "B" listu jer nemamo izvor sredstava za isti, a prijedlog za obnovu domova će se uzeti u obzir pri realizaciji cilja ali nema potrebe isto stavljati u naziv.

10. JP „Rad“ Tešanj je dostavio sljedeći prijedlog: Sektorski cilj 3.1. Dodatne količine vode i proširenje obima vodosnabdijevanja sam po sebi može sadržavati sve aktivnosti koje za cilj imaju povećanje količine vode Stoga predlažemo da se u tabeli 49. u sektorskom cilju 3.1 - u koloni OČEKIVANI ISHOD doda tačka 3.1.4. Izrađena studija dugoročnog rješenja vodosnabdijevanja sa idejnim rješenjima, a u koloni INDIKATOR doda tačka 3.1.4 Usvojeno rješenje Shodno tome u tabeli sa mjerama/projektima da se doda : 3.1.1.4.Izrada Studije dugoročnog rješenja vodosnabdijevanja na području općine Tešanj sa idejnim rješenjima. **Prijedlog je prihvaćen.**

#### **Napomena:**

Posljednje poglavlje VI.2. Plan organizacionih i ljudskih kapaciteta za implementaciju, praćenje i vrednovanje strategije je striktno usklađeno sa zahtjevima metodologije (raspored vremenskih termina i puna uključenost općinskih službi)

Na sve dokumente Strategije razvoja općine Tešanj saglasnost je dao MEG tim UNDP-a.

  
**OPĆINSKI NAČELNIK**  
  
**Mr. scđ. Suad Huskić**